



22. juli 2024

UKA 2024/128

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Peqqinnissaqarfik Region Nord patienthoteleqalernissaa pillugu Naalakkersuisut UPA2025-mut
agguaassassamik nalunaarusioqqullugit peqquneqarnissat pillugu Inatsisartut
aalajangiiffigisassaattut siunnersuut.**

(Inatsisartunut ilaasortaq Aqqalu C. Jerimiassen, Atassut)

Tunngavilersuut

Avannaani peqqissartut najugaqarfingisassaannik pisariaqartitsineq annertuvoq. Taamaattumillu pisariaqartitsineq qanoq annertutiginersoq qulaajarumallugu, sanaartortoqassappallu qanoq nunatta karsianut aningaasartuutaatigissanersoq, allallu paasissutissat pisariaqartussat qulaajarneqarnissaat pillugu Naalakkersuisut nalunaarusiornissaat Atassummiit kissaatigaarput.

Nalunaarusiornermilu suna akilersinnaanerpaajussanersoq ilanngunneqassaaq, pingaartumillu angallannikkut, sanaartornikkut, sumilu peqqissartussap katsorsarneqarnissaa suliaritinnissaalu akilersinnaanerunersoq, peqqissartumullu suna pitsaanerpaajussanersoq qulaajarneqassallutik.

Aningaasatigut ingerlatsinikkullu pisortanut kingunerisassai:

Naatsorsuutigineqassaaq nalunaarusiornissaq AC-Fuldmægtigep ukiup affaanik sivisutigisumik suliarineqassasoq, tamannalu 250.000kr-mik naleqarnissaa naatsorsuutigineqarpoq.

Namminersortunut aningaasarsiornikkut allaffissornikkullu kingunerisassai:

Soqanngilaq.

Innuttaasunut aningaasarsiornikkut allaffissornikkullu kingunerisassai:

Soqanngilaq.